

praedictorum venerabilium dominorum Ramfoldi de Polencz et Johannis de Eckirsperge amministratorum ecclesiae nostrae sede vacante praesentibus est appensum sub anno domini millesimo trecentesimo nonagesimo tertio in crastino beatae Dorotheae virginis et martyris gloriosae.

Nach dem Orig. im Stiftsarchiv zu Meissen mit den Siegeln des Capitels, Ramfolds von Polenzk und Johans von Eckirsberge an Pergamentstreifen.

No. 726. 1393. 4. März.

*B. Johann III. verspricht dem Markgrafen Wilhelm mit Land und Leuten in allen Fällen und gegen Jedermann beizustehen, auch ohne dessen Vorwissen im Besitzstande des Stiftes eine wesentliche Aenderung nicht vorzunehmen.*

Wir Johannes von gotis gnadin Bisschof zcu Mizsen bekennen vffenlichen vnde tun kunt mit disem brife allen den die yn sehen horen adir lesen, daz wir mit guten willen vnde wolbedachten mute dem hochgebornen fursten vnde herren ern Wilhelm marggrauen zcu Mizsen lantgrauen in Duringen vnde phalczgrauen zcu Sachsen vnserm liebin herren in guten truwen ane allis geuerde vns verbunden vnde globet habin, daz wir ym, synem furstentum vnde herschaft bystendig beholfen vnde getruwelichin dynen sullen vnde wullen mit dem stifte zcu Mizsen, vnde mit alle syner zugehorunge vnde mit allen des stiftes zcu Mizsen slozsen landen vnde luten mit ganczer vnser macht zcu allen synen noten vnde gescheffeden, wenne vnde wy dicke er des ymmer bedarf wider allir menlichen nymandis vzgenomen. Daz globin wir ane allirleye argelist widersprache hulferede vnde ane allis geuerde. Ouch globin wir in sulchem vorbunt-nizse, daz wir vnser bischtum zcu Mizsen in keynerleye wiis lazzen vflazzen vor-wechseln an nymandis brengen nach keyns darmite tun sullen nach enwullen, wir tun is denne mit des obgenanten vnsirs herren willen wizen vnde rate. Daz globin wir vnde habin daz mit gutem willen liiplich zcu den heiligen gesworn stete veste vnde gancz zcuhaldene ane allirleye intrag argelist vnde ane allis geuerde, vnde habin des zcu orkunde vnde merer sicherheit vnser insigel an disen bryf lazzen hengen. Hirby syn gewest vnde sint geczue die erwirdigen er Nyclus bisschof czu Cathosien vnser bichtiger, er Johannes techand zcu Mizsen vnser canceler, die gestrengen er Offe von Slewyn vnser hofemeister, er Hugolt von Slynicz vnde Nyclus vom Honsberge. Ge-gebin zcu Dresden nach gotis geburt dryezenhundirt iar in dem dry vnde nunczigsten iare an dem nesten dinstage nach deme suntage als man singet Reminiscere.

Nach dem Original im Ernestin. Gesamt-Archiv zu Weimar mit dem wohlerhaltenen Siegel des Bischofs an einem Pergamentstreifen.

No. 727. 1393. 5. März.

*Hannes und Tamme Karas Brüder leisten auf das Dorf Reynharczdorf, das sie an den Dechant und das Capitel verkauft und dem Lehnherrn aufgelassen haben, Verzicht. Vgl. No. 725.*

Ich Hannes vnde Tamme Karas gebrudere bekennen vffenlich vnde tun kunt mit dißem brieve vor vns vnde alle vnser erben, daz wir dem erbern ern Johanse